

四庫全書

集部

欽定四庫全書

秋澗集卷二十一

元 王暉 撰

七言律詩

溪田晚歸

百物秋成次第芳
野人籬落散幽光
晚禾結穗爭垂露
高樹吟秋未有霜
瓢飲空思樽湛綠
盤餐新喜黍炊黃
歸時更得茅簷美
下澤車輕背夕陽

金匱要略卷二十一
辛卯重九嘲幹臣周宰

九日寒花不見芳
西灣招飲儘相妨
驅車共載差原約
冒雨長行有底忙
野吹掀翻縐布帽
冷香滂盡紫萸囊
踏泥踏水歸時晚
也道龍山會一場

壽李夫人

時九十
四歲

帘幌風流見二南
洞天真侶記驂鸞
慈顏媛婉丹浮頰
素髮飄瀟雪滿簪
九十平頭添二二
百齡餘慶欠三三
今年更覺秋容好
薦壽寒花滿菊潭

寄竹林劉隱君文甫兼簡苦齋詩老

蓬萊清淺到揚塵
林下幽蘭有異芬
萬壑烟霏分野色
一庵閒地占溪雲
鸞音時接公和歎
樵隱休驚豹峪君
儘着青山映華髮
東州人事日紛紛

周曲山挽章

壬辰三月十五日

四十年来老弟兄
忍看埋玉入佳城
子輿正斃酬初志
東野詩鳴豈本情
六任在官無少玷
一貧到骨有餘清
易車令辦棺衾事
猶恐臨行累友生

哀馬希驥

人壽幾何鬼伯催抱羸赴官吁可哀乃知生死有定處
挽斷衣衫喚不回千室望空絃誦樂一枝風折桂林材
儀牀最是傷心目愁拂春山劍字埃

競渡詩

并引

予前年客福唐寓舍在西湖上問俗自四月中為龍
船戲船鑿長木為槽首尾鱗鬣皆作龍形以五彩粧
繪漆髹其腹取其澤也上坐五六十人人一棹江面

對翻並進如箭鏡歌鼓吹自明竟夕殊諠譁也大率
爭取頭標以為劇戲踰重午乃已壬辰蕤賓節追念
往事偶為賦此且記越俗之好尚焉又平時花竹亭
館四面環合不減臨安故亦以西湖名之

五月沅江競渡頻遺風此日見東閩大夫淪溺甘魚腹
舟子招呼問水濱鏡鼓轟翻鮫鱷室繁華淒斷綺羅塵
曲終人散青山暮招屈祠前獨愴神

獨頭木香

答吉甫
索賦

水晶簾外日初長一架酴醾雪覆牆
艷冷不爭春事晚香繁還愛獨頭芳
看來玉蘂唐昌供幻出天真號國粧
壺酒風流名字在醉魂千丈助詩狂

元夕

斗轉春城送臘寒暖回阡陌紫生烟
春風雨市華燈鬧夜色千門璧月圓
書卷光陰清議裏梅花消息喜吟邊
厭厭醉裏南樓角無復情懷似少年

和曲山見贈之什

竹林舊友今無幾，白髮歸來對曲山。
詩似春雲儘有態，倦如飛鳥共知還。
淵明高興義皇上，葛亮丹衷伊呂間。
鍾鼎山林兩無濟，塵埃空負半生閒。

和紫山見寄四詩

正月二日作

百險歸來萬里江，旁人剛羨老能強。
閒居自苦笑鳩拙，遠宦空成抹火狂。
少日搶揚猶雀躍，只今蓄縮宛龜藏。
冥然却掃關門坐，過簡還疑近子桑。

晉公鐵面恥將迎，天遣汾亭醉六經。
麟出近郊休袂拭。

鳳巢阿閣要儀刑菌搖露影從團蓋草腐牆根任化螢

天賦美材終大用不然編簡為誰青

一作大器晚成疑定義

山立揚休見老成輶車風采動蠻荆兩鄉相望三年別

四海論交六日兄諸葛奇材如汝滯漢庭公議欲誰明

只將健筆凌雲句亦是詩壇不朽名

一作望君重為斯文惜一頃寧堪以

名酒

七十人生百事休莫將閒惱蹙眉頭看來世運恢恢網
剝却孤懷悄悄憂肉食廟堂均一飽笑談樽俎更何求

樂章聽徹醒還醉夢繞黃壚憶舊遊

立春日五詩

正月初九
枕上作

今年春晚暖何遙庭院輕陰鎖寂寥
香散南衙牛已碎水封北岸凍微消
老逢月閨憐多日前去燈宵不五朝
居士病來花不染閉門詩思苦相撩

安心風旆只搖搖且著清樽永此宵
詩句得吟如有助生涯無幾強顏料
平生肉食聊爾耳此日蔬盤更寂寥

休笑少陵垂白老還家曾散紫宸朝

是年元日立春日
時為待制同百官

望內廷
西北拜

曲山一病保無他，卧老行厨閱歲華。
貧富較來原有分，

鄉闈歸到却無家。粥盂得味憑羹梗，
詩陣無前聽鼓撾。

早晚黃綢綢被底，醉頭舒出使排衙。

暗用文潞公
辛翼城詩意

輕裘錦帶佩吳鉤，曾作江湖萬里遊。
彩仗春烟縈越省，

為是年擊
牛省中

梅花詩興在揚州。在家貫好誰餬口，
萬事疾

如慮破頭收取琴書林下去。蓋頭茆把要
先謀。

為子孺
欲起綠

稼軒
故云

立春節物最風流
釵燕蔬盤鬪獻酌
暖律潛回交泰琯
香塵飛散送寒牛
令龜有喜迎新歲
任運何心接俊遊
鬱鬱林梢看紫氣
悠悠吾道付滄洲

是日卜得泰卦
故云令龜有喜

守歲夜

靈案回飈闔戶樞
赤囊懸井漬屠蘇
罇留臘味為春酒
門插新桃換舊符
歲事守來人潦倒
窮愁推去鬼挪揄
明朝最是新年喜
寬大書來聽杖扶

領聯一作稽塗寬
戶酣司命火結儺

神夜
打胡

元日

朔夜兒童問寢餘，莫催予起動長吁。
圖書萬國朝元會，鐘鼓千門走舊夫。
璿象謾回齊政斗，赤靈何有辟邪符。
沉沉未覩三陽泰，愁絕灰心一寸蘆。

和曲山詩韻寄紫山年兄

官業初無一事成，誰云祿足代吾耕。
最憐獨學無良友，擬託鄰居度此生。
天外鳳凰難得見，山間風月喜相迎。
詩來健羨凌雲句，轉使孤懷不暢情。

百計謀生百不成
薄田無幾不任耕
洗心大易韋常絕
拊髀劉郎肉不生
勢有持盈虧倚伏
人無定志漫將迎
果哉去作山林計
却恐吾儕訝不情

壯年力學老無成
白髮何堪事筆耕
張子田園歸有賦

老龐話語到無生

一作已分歸田慕張子有時結機待王生

拏雲心事輸年

少拭目時和喜
迓迎有客過門聞
詔語一言或補不無情

人日有懷紫山年兄效少陵清明詩格

前年人日客殊方此日相望憶故鄉酒醺不虧工部詠
梅花空斷蜀川腸休驚老態連眉白又喜春風上柳黃
君豈笑談稱曠達我非用舍定行藏風雲北海朝捫虱
花木西城夢對牀晚節得同林下飲不妨閒處看人忙
紫山別業在府城西郭多植棉柳課
僮奴以梧棧為事故以柳黃為言

和曲山見贈高韻

我愛周兄不倚中平生臨事見豪雄從旁誰掣掣雲手
妙用多歸製錦工勿藥病懷須止酒運斤詩筆自成風

浩然一點胃中氣莫問時污與道隆

肉豉

肉豉傳方出異庖玉盆凝就破昆刀縱橫碎漬氈毼錦
瑩潔光翻琥珀膏暖入錫華防性爽味方禁嚮想京鑒
年高饜飫便便腹不負吾坡養老饕

人日贈曲山周宰

近書雲物見豐年寬大書頒兩日前為穀未知明日事
得官休羨小兒權翦花作勝徒為爾覓紙題詩一粲然

遺愛祠前周老子幾時扶杖過思淵

客廳舊名先大夫所扁

為靳嘉議壽

時年八十有三

人生享福壽為先不似君家樂事全
春色不隨喬木老眉毫光動百齡前
風雲樂籠多陰積蘭玉堦庭點翠妍
九老圖中休着眼世間原有地行仙

琉璃肺

擊鮮為具樂朋簪辣品流馨漲綠沉
犀箸喜忘海味霜刀爭割快牛心
四筵談屑霏餘烈一縷冰漿濯病襟

勝過屠門矜大嚼夢雲飛遶蹠林深

簡寄魏叅政兼謝白紵之貺

草木先聲漢嫫姚一軍畚澗掃蛇妖碧雲望杳江南道
白紵情深鄭國僑水閣燕閒時有待銀坑心計苦相撩
看看銅柱南邊月又見弓旌萬里招

樂全老人詩

樂全老子見輕安杖屨西城日往還論福有孫應有子
閒居非水亦非山春風滿意花遮眼曉境浮光酒暈顏

九老有圖宜健美一生班列素喬間

耳聵自感

人生五十未全老天遣吾聰用晦明志怪虛傳三耳異
省心先得一根清腦鳴日作蜩蟬噪霆迅時無匕鬯驚
物壯而衰自然理家翁稱異轉尊榮

過顯軒先生林墓

正月十三日與陶晉卿送客回同拜墓予二人為愴
然者久之故有是作庶見夫當哀切禱之意云詩後

七日其孫以脾疾亡

整冠趨拜柏林烟事往懷賢一慨然翼羽有圖期四皓
風雲埋恨便千年斯文未欲吾儕喪乳穉宜為造物憐
宿草黃岡重回首大書猶是廣平阡

公母夫人封廣平
郡君三字蓋公親

筆

良宵散步詩

并序

至元廿八年冬十一月十四日同曲山小酌林兄北
軒既醺相與至珉溪家夜話歸見月色烟霏殊有春

意因念數日寒沍今夕乃爾恐一冬不三二朝而已
遂步入春露坊衝口而成詩何夜無月何家無酒但
少閒適如吾四人耳

散步閒行不厭頻暖烟門巷趁冬溫話深不厭城頭鼓
歸晚長敲月下門一枕黑甜饒熟睡兩螯風味夢清樽
竹宮梅信今年早整備新詩問蠟痕

和曲山題太一宮詩韻

蒼精宮闕五雲高千劫塵緣謝世勞太一旂常王母使

真官裘被吉光毛仙家功行何多品人物中和第一曹
近日蓬壺到清淺獨留春色醉仙桃

蕭爽神庭積翠高東瀛修復堵宮勞法傳四葉光前後
望重層霄一羽毛粉飾皇圖開治道庇庥廣廈到吾曹

慇懃太一池邊月曾照銀觥醉露桃

粉飾皇圖謂初見今上時首陳修國

史立臺省等事醉露桃謂四十年前陪諸公讌集方丈前除庇庥廣廈接禮士夫也

喜雨

秋冬不雨到中春隴麥黃芽起旱塵輸畎乘時祈湧貴

賤貧無策救饑民誰知一雨連三日走迹羣巫謝大鈞
愚俗豈知皆帝力年年豐稔太平人

即事言懷

一病三年白髮翁今年自覺更疎慵硯池敗墨無新瀋
書冊凝塵養蠹蟲時向醫方求服食誰從卜者問窮通
正同農畝憂春旱三日甘霖洗歲凶

涼夜

氣機開闔貴循常極慘隆炎物反傷大暑遽離前日酷

萬金難買此宵涼
商飈借爽清庭戶
白露先秋洗肺腸
一枕夢歸天外境
廣寒宮殿夜蒼蒼

跋御史梁公題祖隱君墓碑後
中憲大定二十年進士任至河南府少尹

當年中憲煥人文久仰修齊表
隱君三尺瑤鐫堪晤語
一家庭訓儘恭懃
詩書有種餘金穴
簪紱傳芳見世勲
孝子思親同一致
幾回瞻洒太行雲

賈秘監宅畜大龜來自海南盈尺三尾真靈物

也瞻玩之餘賦詩以詠為提點老友一粲

神龜來自海中央登薦君家五福堂盈尺要開黃髮壽
巢蓮不羨綠毛香蒼鱗奔鬣垂三尾元氣網緼善六藏
昨日朶頤觀不足搢牀常在老人旁

壽韓生弘

待扣鍾邊弟子行當年風度已汪洋循循試看青衿子
濟濟渾如上舍庠將就緝熙從洒埽刮磨蒙垢到輝光
束脩藉手嗟何有重為韓生壽一觴

一作青青衿佩西
門塾濟濟衣冠上

舍序

和曲山冬日述懷嚴韻

幾年青瑣列朝班，萬里江湖又往還。
浮世舉從愁裏過，人生能肯老來閒。
時方多故難前料，家任長貧免後艱。
更有行身思寡過，未能遽瑗每慚顏。

送叅政飛卿時改遷西省

辛卯冬十二月七日

漢廷冠劍擁羣雄，開濟都輸畫一功。
暫試邊籌來傲外，又分春色入秦中。
風雲平步無餘謹，肝膽酬知有至公。

帝使救時公等健老夫何有炬蓮紅

奉和曲山胡桃詩嚴韻

藤藜為菓性甘良今歲收成滿市行
褐殼外包金作皺黃衣中裹玉為穰
似憐淡泊陪樽俎滿嚙芳馨潤肺腸
聞說開元全盛日十金一樣喜新嘗

又嘗喜蓬瀛傳美
法與青同嚼便非

常

彼桃根植自羌南遺種攜來漢使驂
雷斧斫開驚蟄卵雪穰翻出合歡蟾
華池增潤酥同膩老頰含飴蜜比甜

想得上林初結實百官分賜露恩沾

餞中丞義甫還闕下

并序

予與中丞義甫同官歷下自後君由維揚移秦中不
肖亦承乏福唐地之相去也萬里時之契闊蓋八年
于茲壬辰春正月邂逅衛南樽酒間握手道舊殊歡
暢也因話及敝居醉經堂珉溪曰今易為春露矣予
即曰春露堂中秋澗老君應聲云可對梅花軒下柳
溪生蓋君遊蘇門稱柳溪生提憲開封以梅軒自號

故云即舉酒囑予曰可足為一詩見贈因輒聯成篇
以壯行色其辭曰

綠波春水淨長亭樽酒相逢話故情
春露堂中秋澗老梅花軒下柳溪生
十年一別渾如昨兩地相望不易并
三簾補遺蒙睿眷寵光浮動漢公卿

衛南燕集纔終日歷下分攜已八年
玉樹風神猶夙昔彈丸詩句轉清圓
傳家有學光先業望壙求書憶昔賢
從此玉墀冠劍地漢家勛業有貂蟬

第五句一作肯
堂有構傳先業

和曲山見示十六夜詩

三杯兩醖醉朦朧門巷歸時月色澄人影共三驚傑句
元宵過五牘殘燈遊觀縱美吾誰與老病相仍子不勝
昨晚詩來知勿藥樂於相對遠方朋

非隱非商處市寰出門即礙覺行難虛名藉藉知何有
世事悠悠興易闌化日舒長饒驟暖新詩吟苦有餘寒
書生伎倆宜人笑兩束賡章要不刊

為曲山欲以近日
唱和等作編集成

帙以示來
者故云

寄贈總帥便宜汪

并序

前日劍騎過衛幸得一識英表勉贈二章庶見微懇
臧晟袍鎧鳳花紅颯爽英姿百戰雄歌雅有懷千里隔
停驂還喜一樽同忠傳孝繼來家法谷靜川空見驗功
自古詩書出名將將軍今日漢膠東

隴西名將相山東與別諸侯總不同隴右風塵天一柱
將壇恩禮漢元戎秦風儘詠車粃富魯泮重看獻馘功
想得朝天承讌衍教坊金纛彩雲中

燈市行樂

人喜時和更上元春城風物覺清妍樽罍傾倒非吾事
杖屨遊觀有樂全澹澹陌塵燈散後迢迢春箭醉吟邊
新詩不獨書閒適待與清時備管絃

為曲山久病作詩以慰之

曲山隱几一冬餘心事中間合減除委巷莫悲來結駟
薊緱休詠食無魚禾欺脾土宜甘養詩梗吟吭可暫疎
六十坡仙年未老萬緣灰冷覓方書

再和前韻慰曲山

一身之外總為餘，應有閒憂合屏除。
出宰莫悲淹足驥，研精休效蠹書魚。
兩孟充腹宜相調，一盞和顏未可疎。

休信安心泥禪術，內經還是不刊書。

一作若以老年閒道興或作若以遣

懷餘習在內經
還是繫看書

予拜顯軒墓後七日，其孫以脾疾亡，復作詩以
哀之。

悲風吹野白，晝陰吞聲不作短歌吟。
尚期穉子有餘慶。

少慰先生未了心
玉樹凋殘天已老
蘭芽助長思空深

因懷此老含飴語
地下相持淚滿襟

釋子一作委蛻委蛻出列子子孫者

天地之委蛻也或易之

僮哀詩

并序

僮姓李氏字八齡十有六歲壬辰夏後六月二十九日因戲水濱溺死
猊渦予時卧病不知以數日不來見疑其有異且覺夢思恍惚及旬餘窮竟所以乃云已死矣為惻然者累日其辭曰

來從西蜀六千里執役家僮一載餘兵死不教承舞槊
陸沉誰料葬河魚樵蘇晚到虞疎失寢戶晨興憶掃除
善遇力備平日事一朝不見意何如

挽總尹湯侯

井幹臺邊始識君共山山下酌新墳攀髯猶是風雲夢
分陝仍高牧伯勛翠琰能書無媿筆石麟休認辟邪文
泉扃儘慰承家望又見賢郎迥不羣

題珠簾秀序後

七竅生香詠洛姝風流不似紫山胡半牀夢冷珠簾月

用烟中
怨事

一序情鍾樂籍圖鎚破小山犁舌獄倒翻卓氏
拍沽壚芳蹤苦蹠同心賞過斷行雲唱鷓鴣

題香山寺畫卷

送客當年過玉泉醉中遊賞得奇觀一泓湛碧浮僧鉢
幾葉秋黃打石欄山色空濛金界溼松聲清泛海波寒
吟鞭回首都門道斜日歸時翠滿鞍

過朝歌與苦齋馬上聯句

三十年来老友生論文道舊足交情清時健在已多幸
白髮相從復此行朔吹號寒摧破帽重陰掃盡喜新晴
憂先樂後平生事一笑長驅過故城

題府判黃懋卿詩卷

簿領當年憲府廳已期公叔與同升為觀臨事多難際
素有持平獲厚稱荷橐儘高蘭省諭判花清映玉壺冰
漳南未是淹留地變化重看九萬鵬

送舍弟南歸櫟下

壬辰十月廿
日彰德相別

相思渭北常年事
遠送漳南恨別心
沙暖暫聯鴻雁序
霜寒悽斷鵲鴿音
兩鄉健在都能幾
千里含情老更深
慰浣此懷知懇切
不教消息到浮沉

觀光

化日舒長靜八埏
夔龍布滿紫宸班
閭闔有喜科差少
烟火全疎傳舍閒
象緯拱環天北極
聲明漸及海東蠻
春潭不用弘農寶
斗米三錢濟歲艱

壽石平章布呼珠

黑頭便挿侍中貂，潯水春風憶共僚。
學術自初希聖哲，羽毛今果見雲霄。
心存經濟開公道，天與精神福本朝。
紫禁烟花縈繞裏，青松千尺儘難凋。

遍閱清朝玉笋班，龍鱗誰似相君攀。
事多簡省經綸大，道在從容奏對閒。
黃閣不知金印重，思亭清似玉堂閒。
鳳池剩有如澠酒，細瀉瓊杯暈壽顏。

一作梅花香有如
澠酒常醉春風玉

顏 錄

劍履光清斗極邊，秋風庭戶淨吟壇。
北門視草情何密，

東閣觀梅暖更妍
白髮詞臣從寂寞
青天鵬背鹵三千
一樽細瀉新豐酒
此際於君分合偏

漢相規隨有典刑
讚書今傍太微星
甄陶品彙均元化
業履貂蟬自六經
養浩以剛鄒孟直
誠心無愧魯齋銘

細傾東閣梅花釀
長對西山未了青

時為御史中丞

賦王詹丞宣賜玉杖

王諱慶瑞字玉甫藁城人

青宮宿衛舊將軍
家世今誰萬石君
千騎寵光承眷顧
一枝方杖表忠勤
靜臨春桂堂階月
暖帶紅鸞扇影雲

若把瑤璣比良德健於羅結更溫文

一作前日倚毗今有效雲臺從此策

高
敷

同鵬飛遊長春宮

步入方壺別有天茫茫雲海道家山甘河真遇自伊始
鐵鎖高垂不可攀黑入太陰松桂老望空玄圃水雲間
臨漪門外春風暖將復流紅到世間

張鵬飛治虎骨為鏡揮作詩以贈

張侯骨鯁霜稜稜削出雄軀瑩且精厭猛細將鵝作項

差肩羞與鹿同名寢皮食肉真吾事理髮繡經入小成
持贈有懷增老健一簪秋氣見初橫

虎腦杯二首

帳竿圍錦稱談兵猛腦剗來正可觥製就要為元惡戒
飲餘便覺谷風生瑣紋漬血紅猶溼酒力增嚴氣未平
廣會長筵莫輕出慮妨鬼淚縱橫

犀船螺筍脂粉具老頂割作元戎觥撩頭無復盜跖怒
持飲頓覺陰風生瑣紋漬血紅猶溼酒力增嚴氣未平

鱷吸長筵莫輕出挪揄俵鬼恐潛驚

一作更吸衆羹戒元惡却思俵鬼恐

驚潛

十一月十八日壽宮小集

六祖真人牛教授伯祥張按察鵬飛

十稔相望不易逢一樽誰料此賓同笑談偶得陶元亮
賓主不分龐德翁竹葉添春冬後綠燭花留喜夜深紅
鼎邊句就東方白却恐彌明訝不工

訝一作笑

贈牛教授伯祥

牛君伯祥以失鼻詞見示意甚悽惋雖情之所鍾正

在我輩然思而不置恐傷天和而病吾子也故終之
以電露之意

朝看頽頽燕于飛夜聽城烏有暗啼風拉綺絲疑細語
鏡翻鸞影夢雙樓屢空曾改安貧樂當饋難忘舉案齊
不見六如亭上客此情斷度不容悽

壽長春張真人

絳闕蓬山不易求春風瑤草夢麟洲未如華表千年鶴
纔閱人間七十秋道紀有方傳妙用玄談登對動宸旒

慙慙一炷嬰香供吹滿壺天十二樓

登對謂嘗以老子言上對稱旨

送王講師歸終南舊隱

青城仙馭本翩翾自惜繡經老閉關
藜杖偶隨雲暫出草堂今喜鶴飛還
道凝甘澂從容際詩在終南紫翠山
去去黃塵今古道幾人回首似君閒

吾友張君鵬飛壯歲論交十年三遇
少聞如意多見隱憂燕越相望契闊
復爾哀年遠別互深相愛之情判案
頻煩例有三惑之誚水清玉潔

餘熱何堪下怨上疑自昔如此在李華而未免
於吾子以何如若作計以處時宜貴和而容衆
子其行矣詩以送之

四任邊除見壯猷空拳搏虎踞三彪得便宜處休再往
當機會時須遠謀花柳都城終歲好江山南上暫時遊
倚門妻子愁仍破牆燕聲中莫少留

送左丞董君行院金陵

壘壁光寒海嶽深未容緩帶畀分臨旌旗動色真餘事

節制無方是自侵纏索要知今日馭戎機還盡老人心
迎仙門外生祠柏親見森森綠滿陰

朝謁柳林行宮二詩

并叙

至元癸巳二月四日臣膺憚臣文海儼居信朝謁春
水行宮於瀘曲之柳林優蒙睿眷詔錄年名以聞引
進者中丞崔或被沐天恩敢綴為唐律二詩以表殊
常之遇臣憚謹序

漢家天子獵非熊五柞長楊是近宮萬騎遠臨滄海右

五人同拜柳林東自憐賤子承恩眷重為斯文惜至公
更擬論思叅政識老臣何有沃淵衷

千官扈蹕翠華東詔許諸生見雪宮商嶺採芝慚綺季
新豐需命似姚宮名輝彤管猶通籍簡在儒臣要勸忠
步出禁門還少俟長楊高樹動春風

癸巳清明後三日偕益津李士觀登太史臺

客中何處散幽懷放眼高明恐易裁兼覺形神未全老
試憑筋力共登臺山河繚繞陪京壯樓觀參差落照開

曳杖不知雙髀困銅駝巷陌晚歸來

奉和李樂齋登太史臺詩韻

哀荄形骸俱諱老較量筋力共登臺漸欣就日瞻天近
不憚捫參歷井回步下玉堦驚峻極立殘夕照尚徘徊
銅駝巷陌歸時晚一笑傴僂曳杖來

靈臺璇象兩巍巍夢寐三年始一窺日挾陽烏翻倒影
天浮圓蓋入銅儀當時東觀張平子此日吾元郭若思
羨殺漢時皆實學幾曾分異限藩籬

和李樂齋馬病詩韻

綠柳都城約勝遊
閉門翻作抱官囚
血糊駿足幾無計
眼昧庸工悔暗投
策杖恐招徒步誚
求全翻得蹙眉憂
自今安驥君須記
鍼法從來是把頭

為中丞博陵公壽

憲府如君富遠圖
報恩多半薦賢書
義方對上言何婉
玄素回天力有餘
論入事機包細大
望來行止見舒徐
近年默數康時奏
儘是汾陽極品除

喜答李六祖病後見憶

詩韻鄉心兩疊稠
竹宮長記半年留
橘房嬉戲有真樂
鵬背逍遙忘遠遊
清夢偶便旬月寢
巖花空抱一春愁
朝來好得平安報
香滿經臺紫氣浮

送吳僧清琬長遊上都

顱骨嶢嶢犀插腦
緒經休作越僧看
潔蠲心地拋塵累
飛跳天星得妙觀
化日閻浮天竺小
秋風蘭若野僧殘
回頭清磬千門裏
曇鉢花鮮照眼寒

挽樊君道錄

每嘆玄門道有綱
樊君扶翊冠簪裳
公材絕似張嵩岳
術異初非費長房
樽酒笑談才宿昔
玉棺飛墮便蒼茫
仙遊久厭人間世
華表歸來意莫量

荅晉卿教授

蒼狗雲衣日易翻
桂薪珠米住京難
百司扈送回鑾輅
一室虛潛盼冷官
老境靜思林下樂
鄉書喜向枕中看
絳紗幔底絃歌樂
政恐天教耐歲寒

挽趙公同簽

不肖憚自壯歲辱知頗厚意廣才疎竟成墮窳日暮
懷人豈勝慨嘆魂而有知庶幾少慰其詩曰

氣鬱元龍漢魏豪豈容空見卧林臯力籌戎務開樞府
瞻落僧齋拜節旄陰授有機黃石略夢歸何處赤松遙
傷心此日題詩客老淚縱橫溼佩刀

公使日本回相會
于平陽以日本國

佩刀見贈詩純用留侯事
者以公全似漢初吳人也

詩餞王中丞復任中慶諸路行臺愛荷之懷義

形於辭知音者無惜同賦

復詔行臺自昔無恢恢天網未容疎滇池逐鯉真餘事
霜簡收炎見壯圖報政果符銀作驗立朝回看玉鳴珂

此身雖遠吾民晏肯憚風沙萬里塗

銀為驗初赴雲南時缺二笏乃與

諭缺田若安缺將求以此銀為驗

過樞東府二首呈王院判仲常

曾侍延英殿廡風道傳宮語近軍容自從文武岐分後

更覺韜鈴勢轉雄畫戟凝光連嫖衛

出長楊賦云乃命嫖衛嫖指霍去病

衛指
衛青

赤囊封懷折邊衝卻穀莫詫詩書將鐘鼎旂常要

駿功

白首英雄見致隆折衝樽俎沃淵衷庭花露重凝深翠

屏石屏寒辟軟紅國論動能參兩勢朝堂

一作
屏翰

寧使嘆

羣空歸鞍細嚼輪臺詔兵寢刑清是極功

題峴山白石洞野齋序文後

岩嶺東北望峴山滿馬風埃憶往還白石久聞經洞古

碧雲誰似老僧閒夢驚三十年前事詩在推敲月未圓

安得野齋相約去松風巖壑共躋攀

送王司業嗣能倅衢州

前年持節使閩甌端是騎鯨汗漫遊兩浙江山真罨畫
三衢風土是中州兵餘獨重瘡痍苦政異無逾孺子謳
此去新詩更瀟洒所思多在望濤樓

完顏士慶赴任蜀省來別索詩

係金
內族

秋滿長安落葉紛天葩根異獨奇芬氣酣不在新豐酒
志遠先馳蜀棧雲幕府文書無整肅郎官心事足忠勤

腰間四世千金劍又見清光湛斗文

輔提刑正臣挽詩

并序

臺憲者順長道而服羣醜也昔魯人以泮水頌僖公而曰敬慎威儀維民之則載色載笑匪怒伊教如提刑輔公有焉又如老生廩繼于邁思樂何啻采芹藻而已不有猥繼公後親覩斯美豈勝欣嘆蓋學校乃國家之元氣故予特以崇學為言使留心於簿書米鹽間者聞先生之風庶幾知所自云秋澗王惲謹序

澄清心事見褰帷只道剛稜未盡知霜迹簡華森憲府
力宣風化作邦基廟堂留像瞻遺愛寒藻翻香舞泮池
夢到養源堂上月至今鐘鼓似清時

前年學館拜遺祠此日看君墮淚詩飲食固云飢渴易
教條能盡後先宜勇霜肅政潛泉獻丈藻翻香舞泮池
夢到養源堂上月至今鐘鼓樂清時

李廷珪墨潘世傳能定人神志予病久思苦枕
惚因假之師孟研汁一盃飲之戲漬餘香復賦

詩少見無聊賴之緒時癸巳八月朔日也

龍劑如珪獨擅唐洗心今試秘

闕

滿意濃薰月露香靈府策

闕

文戰非吾事正

闕

送鄧郎倅繹州

我客京華識鄧郎恍如身在玉山旁三年載筆同詞館
一字論文憶夜牀老去光陰多幾許別來雲海尚相望
玉堂昨夜秋風冷夢裏歸心到汶陽

秋澗集卷二十一

欽定四庫全書

秋澗集卷二十二

元 王惲 撰

七言律詩

誠說堂

三牲致養應為易
楊子怡親志所難
滿抱忱誠無少慊
一杯菽水見真歡
詠歌豈取時人譽
溫清思貽後嗣看
想得歲時稱慶處
春風香藹紫庭蘭

史宣慰子明友松亭詩

壯歲英威大樹馮，老依松翠養襟靈。
秋風幾泛投壺唱，偃蓋空懷倚杖形。
華屋丘山驚夢斷，玉堂編簡為君青。
千年貞魄棲修榦，不信龍泉閔夜扃。

壽張左丞子友

甲午正月十六日

箕尾儲精一氣氤，仰看風骨秀而神。
青宮羽翼風雲舊，黃閣調和鼎鼐新。
若論救時非易得，與同熙載更誰親。
一杯重為君侯壽，紅藥堦前要好春。

春坊碧月桂瑤枝人物風流映一時四海蒼生欣望悵
兩宮和氣對時熙西池進讀霑時遇東閣追攀辱舊知
此日壽君宜有頌載歌箴做武公詩

供職詞林已四年今春添壽倍增妍詩如東閣梅花細
人在春坊璧月圓漢業翼成無跡考遂初亭暖覺春先
沙堤有語蒼生福好在論思拱御筵

今歲調元事體新風雲開闔入經綸兩宮受賀安磐石
萬國歸心有老臣相業儘高麟閣讚醉吟時到野亭春

五雲深處台星爛常見清光拱北辰

甲午歲正月二十三日右丞何公闕麟華旦謹

奉唐律二章以介眉壽

松柏婆娑一畝陰貞姿不受歲寒侵
待謀東閣時情協養浩南窓夜氣深
閒縱詩懷穿理窟靜觀羲易見天心
百觚剩有春風釀重為明時要細斟

叢臺絃服士如雲又見聰山一氣春
帷幕細談天下事典刑渾是老成人
詩來東閣梅花細歌入民謠漢法新

健羨武公宜自做太平勲業畫麒麟

過左副賈相公新阡

左副新阡何處尋斜陽東北望喬林連城政美無瑕壁
萬卷書多遺子金冠劍圖形凌閣重風烟埋恨石麟深
峴山欲墮豐碑淚桃李公門綠滿陰

彭澤二賢堂為江州周使君賦

斂形宵逝無三月待罪鳴琴滿五年與論行藏原有異
比量心事本同然浴光力取虞淵日示貶忠疑甲子編

千古新祠祠下月不應獨照二公賢

謂分光於使君也

李清甫分齋

鷄飛不過丈尋間鵬翼雲垂九萬搏每自忖量曩秉外
就中增損一毫難洗心俠習從多可放眼青天有達觀
拈取榜齋纔隻字此身還有泰山安

送表弟雲卿經歷赴上都先時韓壽院判仲常
詩有通介不隨新進士蠶鹽依舊老書生之句
大為王君稱賞及北行仲常用元韻餞贈韓持

詩見示亦請予依韻相送因勉為賡賦

樞廷機務貴謀成調議中間執倚平經事莫深吾弟慮
臨機能盡上官情正煩謨畫孤忠壯肯着車輪四角生
明日馬頭新店路居庸山色照吟觥

秋日宴廉園清露堂

并序

右相康公奉詔分陝七月初一日宴集賢翰林兩院
諸君留別中齋有詩以記燕衍因繼嚴韻作二詩奉
平章相公一粲時座間聞有後命故詩中及之

何處新秋樂事嘉相君絲竹宴芳華風憐柳弱婆娑舞

雨媚蓮嬌次第花照眼東山人未老舉頭西日手空遮

賓筵醉裏聞佳語喜動金杯五色瓜

領聯一作高雲錦
席翻涼吹翠蓋紅

粧簇
藕花

朝野歡娛到靖嘉五年經制見金華先聲遠動秦川樹

後命光融紫禁花歸騎不妨沙路晚留中恐為國人遮

脂用司馬端明
留臺西洛事

自慙忝列絲綸地憔悴秋風一繫瓜

德壽殿玉方池研

理宗所御德壽殿為太上皇
後所居殿緝熙講經殿也硯

即碧絲
款也

玉斲坤形憲四溟丹書猶認壽宮名紛紛落墨騰蛟霧
浙浙秋風拉瑟聲神物不知崑火烈碧絲今對玉堂卿
眼中多少興亡事白髮孤臣最愴情

當時同僚承旨留
中齋學士劉東崖

侍讀趙方塘
皆宋人也

甲午秋七月九日扈山約赴李君水芝之會予
以事不克往明日例徵詩因繼中齋韻

陪京秋早物華清杖屨迎秋出綺城蓮社與吟千葉白

盤餐非為五侯鯖眼中閣老何瀟洒意外浮名任易更
唯有柯山山上月歸心同照石梁橫

飛蓋追隨野興清冷烟疎雨溼層城兩舡踏足空蓮唱
大嚼過門得昂鯖錦席高雲增爽朗秋風殘暑喜交更
竹西歸晚留餘思詩在夕陽澹處橫

為周紫巖賦冬日牡丹

蘇州人右職出身新簽
兩浙行省事留中齊索

賦

翦翦江風十月霜寒梅時序見花王一枝重薦金盤瑞

滿幄濃薰麝粉香
恹氣暗持忠節壯名葩
來伴紫巖芳
故園從此恩光爛
卷裏題詩半玉堂

再繼前韻贈中齋承旨

先生襟韻氣之清
開府歸來客薊城
雅集不知河朔飲
名談有味德麟鯖
歸心落日常躑躅
世事浮雲任變更
夢到柯山山上月
流光還愛石梁橫

賀梁叅政陞拜左轄

故都喬木百年春
累葉簪纓得相君
馬出渥洼騰逸氣

豹藏玄霧見奇文十年佩玉何清響一見英標勝素聞
剩說昂調多至味兼收時到野人芹

題奉常李謙甫歸觀詩卷

十載馳香望玉關一朝羅拜喜生還溫顏孺慕猶親側
秉燭相看似夢間棣萼香凝姜被暖故鄉誰羨錦衣斑
鵲鴿庭樹春多少車馬西行總詔頒

首句一作雁足馳
書四十年阻離殊

域喜生還脰聯一作棣萼華
承餘譙樂錦衣誰夢照卿班

賀唐承旨新堂落成

碧鷄華構喜新成
軒瑣虛明夜白生
花影入簾詩思淑
琴聲當戶月華清
人生孰若安居樂
樽酒重尋風雨盟
不作老張輪奐頌
玉堂清議正煩卿

甲午八月一日赴李總管蓮塘之會坐中走筆
賦此

斗酒初醺倚畫欄
藕花紅映萬珠盤
野烟高柳吹衣溼
碧落銀河照眼寒
老去自知情味減
興來思盡故人歡
相逢一笑真難得
況復君侯禮數寬

諸人酬詠既已復和前韻

垂柳橫橋轉赤欄
望中清興散愁盤
玉淵堂迥山光碧
秋水臺高午景寒
爛漫不知前日會
唱酬當記此時歡
平生肝膽向人盡
不是悲秋強自寬

甲午中秋日宴同簽洪公東第賓僚集賢翰林
兩院而已將暮雲陰四合既歸月明如畫偶賦
此詩且記盛筵三首

今年秋夕賞心何
絲竹堂深間雅歌
三院盍簪都下少

四筵登味海東多休辭皂蓋停車轂盡倒清樽待月娥
兩袖桂香翻未盡更憐歸路影婆娑

赤囊無騎海無波今歲中秋樂事多為愛頤軒吟興逸
來陪詞客醉時歌紅雲照眼瞻天近白髮欺人奈老何
連夜暮歸驚夢異林間金背看陂陀

稍稍英氣秀橫秋此日青雲接燕遊賓府笑談詩酒帥
故家人物鳳麟洲為憐桂影饒清賞歸避金吾怯晚留
為見頤軒慙厚意更將遺興較詩籌

題高和甫侍郎先世圖譜後

故都喬木幾蒼蒼
高氏宗支慶緒長
兩世簪纓登相府
百年忠孝見諸郎
解紛晉漢多陰積
斂衽韓劉避耿光
什襲寶藏防墜佚
衛公遺物要同芳

送東崖學士總尹建昌軍

九月十三日

待詔詞林整十年
黃金橫帶列朝班
紅雲黼展瞻天屢
白晝鄉闕著錦還
顏筆謝詩增曠達
銅陵碧澗夢躋攀
慇懃華子岡頭月
先借清光浣別顏

遊水峪

雨沐山容曉更鮮
峪深行入洞中天
林間石綻傳經鉢
嶺峻雲封種玉田
世味酸鹹誰自信
人生聲利古難全
道人歸潔宜諧此
抱石歸來煮夜泉

今秋山北迂回鑿
偶得新詩記往還
臣子要知吾分在
功名休問老天慳
滿軒光寵居庸道
兩袖風烟水峪山
同見同遊又同樂
從容恰及一旬間

過誨之高兄新居

高子幽居遠若村北城城下柳藏門寒因霜早收梨栗
貧喜家安遺子孫閒裏有詩渾漫興客來止酒對空樽
自慙過訪成踈曠戀戀相看到日昏

為洪同簽書譜公中秋燕集詩卷因題于後

新詩黶黶碧空雲一樣書來更可人落墨空翻蟾影黑
清吟真有鴨江春鷄林取重吾何有樞相知音世罕倫
還笑愛鵝王內史寫經時與羽流親

壽泉平章

兩朝元老漢刑儀宣室深香侍受釐博識不遺三篋秘
拜公應較十年遲敢從汗簡聯清秩喜為裁詩薦壽卮
瀚海綵波三百曲歲浮春色上芝眉

壽董承旨

正月十一日

百觚春酒遐年壽千首新詩二品官窮達不為身外計
功名儘向後來看細圖野隱明歸志靜撫孤松愛歲寒
此日稱觴宜有頌兩宮恩眷古為難

送縉雲教官伯讓之任瀏陽仍和見贈韻

縉雲遙裔以才聞遠任長沙弔楚臣論學拜官甘冷職
過門求益有斯人道傳伊洛真吾事詩到齊梁恐後塵
領取漢家聲教去六經何地不陽春

元貞二年丙申元會日大雪

萬寶陳庭未是奇千官朝處玉為墀靜看整整斜斜態
不礙蹒蹒濟濟儀法部氣嚴催翦舞御爐烟澹溼驚旂
小臣歸美豐年慶不數元和賀雨詩

送省掾李希賢隆興總判人

西京人

春水延芳扈從辰笑談鞍馬見情真幾年畫省含香掾
一日公堂入幕賓政異莫如官事簡心丹回夢帝城春
古稱四海皆兄弟洒落如君有幾人

壽彭壽之慶八十詩軸

竹色宮牆野粉黃百年遺老見張蒼青雲仕宦思疇昔
白髮光陰在故鄉健步不知鳩杖勁眼明猶炯竹書光
若從九老徵遺事好著丹青畫寶坊

大賢詩三首

甲午歲正月廿二日癸巳偕翰林諸君謁太傅巴延公於東城甲第之北堂公姿威不見猛簡不失和真魁傑人也公初至燕首詢諸何右轄曰翰林諸老今右者誰及是歷問各官壽期今供何職酬禮間顧相謂曰朝家所以養諸老者正以乞言論政而已如事會議各顧官守未免或偏若集之同僚則議論通一所益良多某曰前世立益政院者正此意也中丞崔相亦以為然乃知公深謀遠至氣量含弘朝廷之上

軍國大計心無或不在所謂大臣以道事君者也既而公出衆俟門屏間遣紀綱來謝曰不敢多勞遂退因得大賢詩一首紀其披覩之快後二年公府掾張楚持畫像懇題哀挽既書鄙辭載惟疇昔情有不能已者且念六合雖一相業未展天不憖遺老哀斯民之不幸也噫因附錄于後

萬馬龍驤宿漢陞朔雲邊月避旌麾麟遊近數人歌瑞虎在深林氣甚夷解甲齊山降宋日鞠躬趨陸入朝時

有懷不盡蒼生事空詠皮公七愛詩

使華來自海西邊一日風雲擁將壇仁信有餘收戰格
旌麾不動下臨安應憐文武匡時切忍對麒麟畫像看
不獨臨淮開府掾追思勲德淚闌干

軍容機政兩儀刑自有胸中節制兵直道事君忘智勇
丹心為國儘忠貞風雲感會千年契茄鼓歸來六合清
遙想翠華秋獮祭聖情凝佇聽輦聲

異菊圖一枝十花容色各異未之見也故賦

枉說重巖細菊斑連眉十樣更清妍不辭老圃秋容淡
要見花神景氣偏越被香濃薰百和柴桑人去已千年
醉吟不用江州白此日東籬得董仙

百品流芳見已稀一枝獨秀更堪奇秋陽借暖留三徑
翠袖分香到十眉竹外晚粧明閣院月中青女要新詩
繁華悽斷長沙夢畫裏淵明又一詩

聞友人買犀帶

聞君饒價買犀纓似為精神見老年論品要勝華袞異

垂腰猶欠玉魚懸
通天即是裴公賜
素髮其如白傅顛
留取百錢休妄費
安排開歲置貂蟬

贈潘州樸生子溫

踵門來謁樂新知
自說容城指授師
孤鶴遠從華表下
六經都向管中窺
西山掃墓懷私淑
東郡趨庭儼聖思
莫把一簞顏氏樂
春風吹作錦囊詩

送總統佛智師南還

釋教總統佛智大師
姓積寧氏名沙囉巴
華言為吉

祥慧也西番人祖相嘉屹囉父沙囉觀以象胥王譯
諸經至師八世矣師早侍帝師發思已受知先朝精詳
內典又喜儒書樂與吾屬游元貞初選師為江浙總
統明年率諸山長老入覲獲侍清燕啟沃一言煦煥
三吳同游大覺未歸江東父老投牒行臺趣師南還
將行以贈言為榮因賦是詩以送

白足毗耶不易逢鬢絲禪榻偶相同經來震旦三千界
人在天龍八部中滿送酒船浮北海細薰香霧供南豐

江東父老催飛錫要沸潮音與海通

與梁總判楊少監武子劉總管叔謙會梁都運
高舍別墅夜話帳中樂怡怡也梁君索詩因書
此以答雅意元貞三年二月十八日也

問字嘗思過子雲一樽梁墅喜情親清燈夜話逢知友
喬木蒼烟憶世臣野水添杯無盡藏侯門儲慶有餘春
五枝休數燕山竇黃閣經綸見秉鈞

挽子敬楊君

終唐州知州
子裕母弟

青血陂陀閱夜泉
鵲鴿庭樹已蕭然
一樽共飲留情話
五馬長歸是別筵
黃壤冷埋林下壁
綠波空泛幕中蓮
息軒未覺風流遠
行見英彪歷試年

送李敬甫之任靖江總管

海山蟠亘十州環
桂嶺西南隘漢闕
吾子有材稱吏治
土風從古號時慳
老天形勢開炎德
赤子龍蛇雜洞蠻
交致恩威民事了
雙旌歸早慰慈顏

呈高麗世子

霞綺紅潮鴨綠清風姿渾是父王英禮文曲折猶周制
脂澤涵濡見漢甥衡宇接談今日歎中堂陪宴向來情
鳳皇池上應回憶慚愧朱絃一再行

冬日海棠

玉環朝醉綠雲鬆晴旭幽軒不信冬春色暖私神草異
丹砂重見海洲紅銀釭侍寢留高照青女憐嬌為動容
似與方平慰親老金盤佳品不教空

壽唐承旨母王氏

承旨五六歲教授
孝經論語于母氏

教子堂深映謝幃，碧梧停鵲發英蕤。
臙脂點額猶宮樣，懿範齊家備母儀。
香裏鸞花回紫詒，雪封梅信動橫枝。
百年好在升堂拜，歲歲分香入壽卮。

慶王彥舉太夫人九袞之壽

花柳西池點翠妍，婺光曾現竹宮烟。
年高賜幣承恩重，子孝能忠見母賢。
女誠看來彤管煒，雲花行墮詒鸞鮮。
風流九十人間福，纔是平頭第一篇。

和樞院王仲常雪詩嚴韻

龍武新軍宿禁牆鐵關風急走降王雅歌望絕皇華使
朔雪春回黑帝祥四海同風有今日九天清吹表戎行
兩宮和氣春如水併捲流霞入壽觴

壽王仲常院判

顴骨清奇類左山紅雲香軟侍天顏處心久在升沉外
着我何妨伯仲間密學潛隨空底轉新詩清與化機閒
太平有象邊聲靜醉聽長歌入漢關

題節婦竄氏手卷

蘭有幽姿竹有筠秋霜庭戶藹清芬誦詩已矢靡他節
在禮初無再醺丈蟋蟀聲寒思曉織君蒿魂黯夢孤墳
楚王祠下秋原迴消得旌書倚碧雲

贈高麗樂軒李叅政甥樸學士中統初予載筆
中堂常陪先相丈會且有唱和今覩高標日暮
懷人不覺慨嘆因賦是詩為贈情見乎辭

鴨綠江頭老謫仙醉中吟諷得微言當年翰學推賢相
此日高風得樂軒白雪陽春原寡和翠鷺朱鳳看同翻

蓬山秀色鷄林筆歲歲封章入紫垣

題保定醫學劉教授慶八十詩卷

八秩光陰積慶多笑看金狄手摩挲前知來事疑思邈
集驗儒門似子和藥籠功名閒等第醉鄉風月飽經過
雞川如畫郎山秀好在春風十二窠

和贈高麗鄭學士詩韻

豹管潛窺見異姿雞林詩好動京師恩深自比滄溟闊
國小方資節相毘寶瑟聽來多雅唱人生樂處是新知

蓬山歸到梅花在十樹清香醉拾遺

和雪中鄭樸二學士金司業來訪詩韻

風雪長安撲玉塵詩成驢背欲誰親
海東游子興不淺醉裏微言語更真
膜拜尚思瞻國老過門今喜得陶賓
人生適意無南北宮錦淋漓未厭頻

挽馮副廉壽卿友契

漢署千官列兩曹當時儀物聳清標
鞶囊議事驚孤注霜簡摧姦見六條
樂府名香金鳳管揚橋風細月明簫

雪崖遺恨埋千古大樹風悲日寂寥

養志堂詩

為前江西省郎中
孫居仁字謙甫作

幾年臺省到清班

一作聖門垂教色為
難萊子嬰嬉舞袖斑

游刃恢恢政務

閒順志如詹推致養為親捧檄即承顏餘歡方在恩榮


際純孝初非口體間開卷諸公足歌詠自今錫類滿鄉

闕

高麗國王謝事詔世子嗣位東還詩以送之

禁轡東牀得象賢遠持龍節赴真傳靜看麗海風雲契

更覺天東雨露偏萬里寵光隆帝館三韓春色入吟鞭
百年藩屏敦姻好合有精忠在日邊



秋澗集卷二十二

欽定四庫全書

集部

秋澗集卷二十三

詳校官侍讀學士

臣沈咸熙

侍讀臣孫球覆勘

總校官降調編修

臣

倉聖脉

校對官助教

臣

汪錫魁

謄錄監生

臣

朱鎮

欽定四庫全書

秋澗集卷二十三

元 王暉 撰

七言律詩

贈西雲上人
係海雲高弟

前日賓筵偶遂睹一言有機口有不能言者如雲
之在天水之在餅不復喻其快也謹裁鄙詩奉為上
人一噓

吏用公才不易逢茶烟多颺落花風登壇懸斷羣機息
面壁傳心萬法通慧眼正來珠媚浦浮雲飛盡月當空
虎溪公案原瀟灑會酌松軒一笑同

謝岳昭文惠新歷

夢破敲門蝶翅翩一編星歷衍先天人憐短景催殘臘
斗轉嚴城永日躔天外春回龍集閣林間香動紫生烟
迢迢細付宮壺漏正是昭文進德年

跋祈真人畫像

何處人間有洞天青藜曾探寶珠玄柱頭留語疑遼鶴
物外孤吟覓閬仙木食草衣原澹泊竹風松月自清圓
壽宮舊有燒丹竈空憶靈砂漬夜泉

送安叅政南還汴梁

并序

參政安公與僕定交於中統初元契濶者廿寒暑大
德戊戌春邂逅於京師樽酒談話追憶疇昔念故舊
之凋零感歲月之易邁情不能已者謹以唐律為贈
既光回旆且寓愚意之所託云

黑頭早揀侍中貂當日雲霄一羽毛忠翊殿庭稱謹密
量吞河海見雄豪風雲夢統調元鼎琕琕光含切玉刀
此去斯文應有託豐碑還擬泰山高

題南塘居士宋公畫像卷後

南塘結夏水芝香對展蘇黃拜燕堂文獻在公推故舊
琴樽娛客盡徜徉傷心此日空圖像照眼庭堦失雁行
白首那堪題往事未容拈筆涕先滂

跋東門祖道圖二首

東門祖帳盛官儀，
淠淠鸞旂動漢騑。
燕几道尊籩有踐，
碧空雲靜日重暉。
飄飄物表桑榆景，
洒落人間寵辱機。
東海西邊兩丘土，
至今書畫見宮闈。

二疏心跡本鴻冥，
解紱南還敝屣輕。
劍履中朝陪百辟，
風雲高駕渺雙旌。
問金奚有田廬計，
歸夢都忘寵辱驚。
詔獄淳然賢傳死，
虛勞明主問蕭生。

奉和寅甫學士九日迎鑾北口高韻

青山紅樹映晴霓，
玉削方臺積粟西。
不憚陂陀屢登涉，

喜陪朝謁共扶攜霜風偃薄千林靜雲海蒼茫萬象低
心自屏營瞻戀切佩聲常在筍班齊

翠華南下拂雲霓駐驛軍都漢縣西龍虎臺高驚峻絕

蓬瀛人老許扶攜

又驚鵷班
迫許扶攜

九天日月瞻光近萬國衣

冠入望低佳節迎鑾得清賞牛山初不羨東齊

過趙瓠瓜林墓

靄靄停雲有所思樂天池上獨來時瓠瓜散落和雲墮
離菊扶疎帶醉移樽酒草堂前日夢小山叢桂夜猿悲

竭來因憶桓伊事却撫松楸為解頤

長至日即事

睡起閒來催賀節牙牙紅點雁成行
灰飛琯透千門遠
繡刺功添一線長
極壽百年驚過半
從心七秩有三霜
發身不羨錢神潤
要把青箱付窟郎

挽平章御史中丞克齋公

豸冠高聳絳為韞
霜色橫空一鶚秋
癘鬼遽來關日露

泰山欽裂駭黃流
氣從溫造行間

闕

龍逐

闕

下游

反袂兩行知已淚黃雲衰草夢西州

西州者蓋暗取
羊曇西州門事

也

哭挽母弟略監使

分攜洹水儘離愁誰料儀真是徹頭留別有詩驚咄咄
逝波無夢便悠悠遠遊不負江山興鞭策誰知管樂疇
老子慮來非一事後溪溪上暮山頭

雪後即事

一雪都城二尺強桂珠生事日尋常羣鳥噪噪飛不下

萬木林林凍欲僵
頭戴鵲冠甘潦倒
氣同尺蠖伏泥藏
倘為得放歸田去
亦是明時盛事彰

原有
注闕

翰林即事

闕

湘雲彌月二首

是日先府
君忌辰

秋澗集

珍菓犀錢粲洗盆鎖牕香霧溼湘雲春風暖透青綾被
初度祥開貝葉文穉竹翠含筠籜嫩猗蘭紅茁露芽芬
細裁百疊清江錦留待擎囊備綵紛

彩檻移春照綺牕酒船浮臘進中堂負暄比獻茆簷日
燕寢先分鈿几香缸燼翠凝鏘鳳蠟蘭膏春滿洗兒湯
顧應我父情鍾愛一笑燈前撫坐牀

送杜熙正省掾考滿授四川省都事

扣門有客稱熙正考滿西歸得蜀除照眼鄉鄰韋曲好

趨程閣道劍門墟烟霄顧接新桃李勲業紛翻舊簿書
鄭重故人高左轄雪山清興近何如

聞長春宮溪水復至

臨漪門外碧波融又見分流入道宮閭苑烟霞增景氣
寶山松桂動春風忘機靜玩沙鷗雪潤物中涵上善功
道脈川流原一致滔滔東注浩無窮

謝徐容齋贈梅

燕釵宮額蠟妝勻夢繞羅浮雪裏村持贈一枝遮老眼

淡依疎影度黃昏風流燈下佳人面瀟灑吟邊竹葉樽
我老忘情被花惱曲屏深鎖惜芳溫

容齋清節揚州遜贈我官梅興寄深宮額黃嬌渾綴蠟
綺窓香淡不盈襟春融壺浸催先發雪壓溪橋憶細尋
茆舍玉堂初不間似將渠表歲寒心

弔鄭徵君悅心

江南長洲人年將四十以氣疾死大都官舍善五星有易學注

鄭氏新說

春風雙節入闔門吳市東鄺遇異人大易有靈蟠化筆

天星飛跳見疑神
燈幽竈室驚媧畫
槎泛銀潢挂析津
反袂兩行尼父淚
定中臺下泣吾麟

范徽卿風雪和林圖

天策桓桓控上遊
邊庭都付晉藩籌
河山表帶連中夏
風雪洪濛戍北樓
笑看奇謀收藥籠
未妨民賦課甌婁
丈夫志在飛而食
不讓班超定遠侯

題劉處士墓碑後

劉君襟韻晉人清
耆舊風流有典刑
三代鼎彝資噩噩

一家鴻鵠自冥冥胷中素貯文康訓雲際曾瞻處士星
花落草堂人去後隣翁時過看埋銘

大德二年冬十一月同昭文大學士若思登太
史新臺周覽儀象久之而下侍行者妖子公特
徙倚靈臺萬象新仰窺圓蓋偃鰲臙龍沖都柱驚坤軸
望入星躔候北辰日挾陽烏符蓋晷春浮元氣上儀輪
思侔玄化稱平子太史于今恐後身

贈布呼齊侍御

奕世威名大樹蕭孫支騰秀見英標肅清吏黠懷三畏
摩拊民瘼入六條烏府共推清廟器黑頭行插侍中貂
仕優政有詩書樂洗耳齊竽聽舜韶

廣平毛巨源壽萱堂

百順無尊五福榮華堂高揭綠萱名鳳花雅負忘憂草
蟻酒香翻獻壽觥蘭玉照庭連秀氣珮環合節有儀刑
東風細颺簾旌繡會見鸞書下玉京

張子惠母夫人手卷

夫人內治日嚴貞定省歸時有訓懲孝感庭幃深色養
德融民社見春疑凱風吹棘心何切宿草含輝樂不勝
七子有材俱茂異慶門從此福川增

王太君授誥正月十四日拜慶家庭

隆福宮深淑景長今年壽席倍恩光鸞回紫誥擎來重
花覆璫興暖更香象服委蛇儀範遠兩宮朝賀珮環鏘
細傾洗玉池邊酒常領春風拜北堂

送趙提舉之順昌縣尹

字仲遠

望入江城鴈影翩春風吹上洞庭船幾年戰藝東湖上
一日觀光北斗邊慶賞莫誇王勃序吟鞍歸袞繞朝鞭
詩雖六義功非易未厭蟲魚學鄭箋

送李司馬任順德總尹

司馬桓桓漢徹侯十年藩府佐邊籌氣凌朔漠三秋雪
人在元龍百尺樓已濟時艱完大節又宣風化入南州
知君致澤平生事行聽民謠詠八騶

順德道中

魏勃何人擁使軺鵲山東下半林
臯清霜原野鵬盤健
明月關河鴈影高
遊宦有心空載質
宰平無策漫操刀
黃金臺上燕昭相
甘為樞衣授六韜

贈中山賈仲器

刻書工賈仲器中山永平人諱德玉為人誠信多巧
思平生好讀許慎說文解識字意故刊書之際多所
助益衆工讓能推為方今第一手近趙人珠嘉氏亦
稱善碑刻者膠書紙於石立鐫全文略不失真未審

與仲器所刻氣韻為何如也賈今年近七旬技精不
少衰白髮蒼顏兩目鵠視似恥與凡禽為伍耳來求
詩書此為贈

翠琰梁停有異觀賈生昆削近烏蘭須知成已填書藝
信是春坊刻玉官千字誅精山鬼泣一鐙思苦夜臺寒
惜君不致山陰襖八法從渠入木看

乙亥歲京師除夜

住京誰計畫又錢戀闕心丹力不全干祿自慙三釜粟

借車津遣五窮船故鄉此夜偏多感衰鬢明朝又一年
乞得殘骸便歸去草堂猿鶴已悽然

庚子元日賀荀嘉甫授徽政院長史

忠孝堂堂漢字孫更忙相見每留髡掃愁不為青籐酒
展賀來敲白版門中議素高徽政府清吟時接謝公墩
老夫幸有西池遇東閣垂思合細論

詩呈平章公

漢家六合恢文治雨露恩深到海涵機務救時傳世業

衣冠故里仰華簪闔門饑凍心雖切七秩歸休分亦堪
一語倘蒙天盼去故山春滿讀書龕

謹按遺山筆錄載梁氏家世甚詳中有云斗南先生
登明昌二年進士為人讀書精熟喜作詩有幹局吏
能剖繁治劇不肯下一世之人今公長于機務可謂
有乃祖之風矣故有傳世業之句附于詩左

雲卿郎中方以嗣續致慮側聞弄璋喜作詩為
賀

平生陰德爛于門况復昌黎一氣氲詩夢占祥原有兆
大賢之後豈無人蘭芽秀茁根初異海果生遲實自珍
我老喜為湯餅客一杯光動竹亭春

夢昇天詩

庚子春正月壬午日夜夢天風吹來星漢未曙梯雲
上征極天宇而止予倚雲下視倒影四垂滉漾滅沒
有不可望焉者既而覺清寒逼人神思飄颻毛髮為
森豎也遂躡空而下入道室與張仙翁遇良久出翠

拂紫端相遺而寤夜漏下二十刻矣予平日異夢甚
多皆莫之比因作詩以紀其詳

沉沉玉漏三更後鵬背扶搖九萬搏彤管夢傳江令筆
紫袍歸抱上巖端蒼溟赤日瞻天近碧落銀河照眼寬
欲躡帝廷誰汝畫九霄風露不勝寒

繼張參政守歲詩韻兼寓鄙懷

道號秀江

官冷何心日九遷雀羅庭戶任蕭然盍簪省闥和三盆
珥筆螭頭整八年臘味漫斟燕市酒春風誰送米家船

西山日暮歸何晚自斷行藏不問天

庚子正月十一日夜夢中丞崔公顧揖間已知
身故談笑盼睞殆若平生殊朗然也

宿露紅蒸海日曠分明來與一樽同烟開紫禁門闌外
思遶金根豹尾中鐵柱高標臺闌在遊魂淒斷夜堂空
一宵鬼伯相催去天上人間獨有公

介郡君王太夫人壽

寶香鸞誥鬱宮羅春動麻姑送酒歌森玉堦庭花映座

試燈門下月舒波華筵燕喜乘軒貴白髮光陰得壽多
五福人間誰得似金盞傾露醉紅螺

送曠秀才奎東還廬陵

并序

奎家世為吉州安成人幼讀父書弱冠遊學四方歲
丁酉由長沙泛荆湘泝巴蜀寓錦城邂逅高相一見
傾蓋留連二歲戊戌春學士菊巖降香至蜀會於錦
官辱相知夜雨連牀春風嘯詠臨別且贈以言而有
天都之約會有司以茂異舉達之風憲適高相移鎮

江浙附驥東來分攜于驪山之下臘月抵京師諸公
協薦于春官但奎以親老家貧倚門有望而動高堂
式微之嘆遂丐之當塗欲安分義俾行省于學官委
任焉因賡嚴韻為餞且寄聲左相高公云

廬陵俊造以奎名投刺來登北海瀛白壁定交高相義
錦官持論蜀江清幾年書劍悲游宦一曲滄浪聽濯纓
聞說歐詹歸有德停雲回首夢柴荆

大德四年五月中旬余從太史郭若思求畫周

文公肖像者數日竟以事奪因作此詩以見鄙
意幸賜采覽

十年寤寐周公像幾向軒墀拜紃紘宗祖配天終北面
洗兵回雨見東征道存履舄歌狼跋天動威靈表聖誠
久矣吾衰嗟不復仰儀臺下候神明

賀威衛王公壽

威尉龐眉七秩春不車不杖曳朝紳氣嚴樞筦王猷壯
光動蛟龍羽扇新衛武賦詩申做抑廉頗一飯見精神

因公重惜麒麟筆待與金城老寫真

無盡藏

山海沉雄斗極邊
洄江東匯玉為淵
停雲晴佇思親望
繡帶香翩上塚船
山色水光無盡極
竹風松月共清妍
千年山立梁中憲
長與坡仙共一天

壽梁太夫人

雲開真館桂華新
婺彩穿簾瑞靄氲
羽翼兩朝梁左相
起居八座太夫人
香翻錦字鸞回詔
花滿金盤脯擗麟

聞道麻姑來獻壽一杯春露餉平津

贈相士李達

蒼狗雲衣耐事何都城風物閱人多神光爛爛開晶電
法語琅琅振玉珂每詫顱奇觀慶厯閒評釣幹過銅駝
春融不逐秋陽老一笑西風付踏歌

題無名亭詩

韓右司雲卿築亭於所居後圃不侈不陋面勢軒檻
爽朗靜深窈而有容公餘盤礴披玩法書名畫其間

心適體胖冲然有得所收家數內陳無名卷最爲之
冠其文甚蔚如春雲出谷態度不一信可怡悅而友
也用扁爲亭名且見夫主人平昔篤志立行務造實
理不事表曝之意喜爲賦詩以歌詠之其詞曰

朝回守口澹於餅觸事初無寵辱驚道自上經原有說
顏瞻新扁本無營書傳遺帖如倉古披構高堂似雪成
快意只須輝獻議出門一笑大江橫

題萬知府瑞麥圖

二岐至五岐

汝南今歲麥連雲一氣祥蒸德化循春露潤含千壠秀
薰風披拂五岐新嘉禾共穎宜同頌神草聯莖恐謾珍
旌異穎川原有例會聽增秩佐經綸

送李景山宣慰夜郎仍用畱別詩韻

雪山瀘水兩迢遙天暢恩威壯本朝萬卷堂中人寂寂
雙旌門外馬蕭蕭雄文喻蜀知無敵虎韞垂昭不待招
許國壯心如此健夜郎風教儘敷條

感舊書懷

宮漏穿花隔掖垣，彤庭雲靜鎖秋烟。
中堂載筆三千牘，玉署觀光四十年。
麟獲削成周柱史，座寒誰憶廣文璫。
應憐春草東郊思，老馬何心覲二天。

簾筆

貯雲含霧來江浙，紗罩金盤舞鳳纖。
裁翦細筒裝紫穎，卷舒彤管束紅簾。
鼠鬚挫銳藏燕拂，內史傳經寄道龕。
自是陸卿多巧思，猩毛貂尾兩無慙。

作者南江陸秀卿
一作誰是玉堂龜

鶴夜蓮瀛仙
火寄雲參

送普蘭溪行臺中丞

漢家二十六將軍忠孝如君萃一門
痛惜鯨波吹屬甲盡將臺憲付諸孫
維持根底餘忠厚包總時情貴直溫
攬轡澄清吾志在風沙先霽石城昏

寄何參政

郎山山下讀書堂萬卷芸香綴夜光
贊善皆推東道主賢參高臥北窓涼
林鳥返哺健為守易水悲風劍客鄉
擊筑會傾高麥酒滿壇秋草酌昭王

贈雕鏤舒穆魯世亨

石郎來自汝之墳性解雕鏤到奪真一握錕刀修月巧
滿龕龍像雨花紛趨庭過我求名諱刻木先君表世臣
家廟薦蘋吾祭在露堂冠佩待三薰

贈道者李雲叟

道人姓李氏諱道謙出東齊世家年十六歛有悟棄
家入道禮丹陽馬公高第劉為師既冠長游諸方洞
天參求玄契又嘗園居於陝多積靜功時人以有道

許之今主東雍之神霄宮曰雲叟者蓋其別號云昔
王逸少與謝安石常東遊海嶠飄然有雲霞高舉之
志今亦以是稱豈其遺意耶秋澗翁序

生龜脫笥豈易事假手柱史驅羣魔平生繕性契真訣
萬應剗中付踏歌遼鶴歸飛三島近道心安處一瓢多
超然獨立雲霞表浩浩流光看擲梭

題葛氏臨漳五福堂

澹澹河流紫陌長青林東下望臨漳蒼烟拱木三臺里

書頁翻香五福堂通德絳帷多故老謝家庭樹見諸郎
兩公出處有深意常記吾親託故鄉

龜詩

呈閩學士

數尾已知三百歲息胎更活幾千齡誤投罟網寧無夢
曾獻箕疇信有靈好共鶴嬉當碧逕莫趨鰲負向滄溟
松間竹下婆婆地長伴霜髯老壽星

送僧印東還鍾離詩

并序

予寓居安貞里東行百舉武有精舍曰文殊僕方謝

事需命間一往焉與僧法印號無文晤言以適吾懷
因知師系出濠之郭氏其先東平人祖班常為弋陽
部將死王事遂葬於此父珍亦為州之機宜官師幼
讀儒書長習陰陽風角等術既而悟塵世虛幻遁入
招信嘉山尋師學浮屠法清修苦行致價重一時為
兩淮朱制閫所尊敬特起華嚴禪院為棲息之所仍
誦其品目追報母恩江淮平飛錫五臺禮文殊光相
遂抵京師參印叢林富觀大乘其氣象安心枯寂脫

展榮利飄飄然如孤雲野鶴任其去來若不為形迹
所累者因其東歸賦詩以贈其詞曰

鍾離老衲印無文燕薊常游寄此身一片野雲橫碧落
半窓寒日弄游塵經龕入定依殘供帝里相逢有故人
我亦天涯倦游客幾回歸卜問通津

保定曾總管清隱亭詩卷

平生不識將軍面開卷題詩得姓名清隱已安三徑樂
賓筵時雜五侯鯖春郊羽獵來緹騎烟渚沙鷗有憶盟

聞說懿公多賜物過門求閱儘名卿

餘慶堂銅臺趙御史

鴈塔題名奕葉香教開婉婉亦多方需知培植根基厚
遂見滋榮世業昌沙麓昔聞王氏積桂花今接竇家芳
豸冠高映斑衣爛歲歲春風拜北堂

慶耶律秘監九秩之壽

大德辛丑三月初

耶離山色照中華孝繼忠傳自一家閱世光陰緣服食
過庭詩禮儘柔嘉啓期榮樂神多與衛武箴規慶未涯

見說壽筵香霧暖
誥恩行墮五雲花

贈雪堂

雲間徙倚妙高臺
蠡吹喧喧海會來
佛界雨花香有信
石塘流水淨無埃
過溪破界東林約
乞米藏書李勉哀
想得大千香積供
維摩方丈白皚皚

贈順德天寧方丈

水晶心孔碧雲思
方外高閒有阿師
滿院綠陰人別後
一欄紅藥客來時
簾扉掩映爐烟直
僧榻留連茗椀遲

何處虛舟虛未得冷翻吟棹衆波隨

送荆書記幹臣北還詩并序

幹臣參議覆事南來與余遇于襄國連日道舊契濶
之懷豁如也君素能詩及得日本諸作清雄奇麗拂
拂然挾海上風濤之氣令人豈勝嘆賞且聞駕海之
舉千載盛事然江海之險非丘陵可比若以衣裳鱗
介論之任責者當以萬全為言因瞋鄙詩敢以略及
邁往凌雲見妙年東征書檄更翩翩萬艘瀛海參戎畫

九點齊州漫野烟卉服終期歸禹貢異聞無復訪齋然
舞干不作三苗舉好為清朝論萬全

董氏家庭拜慶詩

順德少尹董君舜卿太夫人蘇氏系出冀州大家今
年九十有四起居飲啖精健如五六十人以董氏論
之親老而壽家溫而祿雖云賦予攸厚亦孝感所致
壬午夏季十有三日蓋拜慶辰也以歌詩求榮謹書
此以侑壽觴之末

婺光分秀下含真來閱人間百歲春子孝每能忠作訓
家肥還自德為鄰庭萱吐鳳明珠樹蓮葉翻香溼繡裯
一曲南薰薦蒲酒慶筵長對歲華新

近按部襄國提舉張子厚為僕留連者月餘既
而得代裕如也因念其治燕南鐵官之人最不
可得同僚給淨由以付張子之臨財莅政其為
廉幹可知已將行以贈言為榮喜書此以貽

三十年來舊弟昆紫髯落落照鄉鄰白圭磨徹光無玷

青眼看餘分更親均幹有方留後法泳游何患作潛鱗
一杯回首河橋柳亂擺春風約去塵

挽中書左丞魯齋許公

經綸根極自朱程小學從容到大行安漢固當煩綺聘
要湯初不待伊烹辨姦素有批鱗直旌墓當書積善銘
兩夜天官臺下夢分明危坐話平生

庚伏日大雨

屏翳驅雲障日昏雄風吹雨怒翻盆天高地厚初無際

電激霆砰入并吞造化有神藏妙用枯焦回潤沛深恩
客窓更喜終宵爽滌盡煩歎夜氣存

廣宗董主簿二親同壽八十求詩為慶

七十人間古已稀況登八秩壽眉齊慶延為厚于門積
松茂同欺鵲嶺低棣萼堂深鵲接翼碧梧枝老鳳雙棲
年年長至花開後滿泛春風薦玉蟲

留別鎮陽諸公

梧桐葉上雨瀟瀟涼透疎簾夜寂寥長往有懷深霧隱

虛聲何意望弓招三年滹水人情好千里維揚去路遙
多謝諸公挽留意敢將衰謬枉清朝

袁清和公

振轡咸池挾日飛識先秦府帶圖輝氣緣剛果疎沉慮
變出倉皇落禍機尚賴聖朝明樸直豈防讒口重緋衣
誰令諸武留遺育悵望烟雲借敬暉

圖回東別鶴鳴軒脫却山衣相有元汲直寢謀推國老
羽淵沉絲論綸言參旗不掩千年氣楚些難招九死魂

欲雪絳冤吾舌在有書無路達天閣

詩送宋克溫郎中北還

神駢出水氣凌雲一顧曾空冀北羣
鷄舌試香封事秘紫宸陪仗絳纓紛
茂陵弓箭空秋草麟筆公侯削魯文
從騎不愁逢醉尉暮歸猶識舊將軍

一作茅屋兩檐書萬卷門前冠蓋盡

浮雲

西池幸遇詩

壬午歲十月十二日憚以承華事略求見引見者工

部尚書張九思已刻拜太子於宮西射圃內北前命
近侍趨入者再既見問秦始皇何如主憚以所行過
暴為對太子首讀明分篇問漢成帝不敢絕馳道事
喜甚至輟射繙閱悉問其各篇主意所在張九思舒
固鼎略為應對讀訖以書付近侍董布格會靜時細
聽未刻賜酒沾醉而出

射殿風清已午間曳裾挾策拜龍顏首詢帝子龍樓名
喜輟犀弓偃月灣葵藿儘酬承日志簡編不負半生閒

滿樽春露沾恩處光動西池玉筍班

挽元倅善長

危并長遊士子間襟顏相接藹于蘭身緣吏隱多時尚
事與心違仗酒寬千日醉吟愁儘在一朝臥病衆知難
空懷去歲中秋會六郡歌頭聽細攤

今春酌別鎮東門誰料歸來便哭君每愛醉歌增慷慨
若論友誼更慇懃谷駒夢杳驚炊甌寒雁行疎斷朔雲
撫卷題詩倍惆悵有知當徹九泉聞

贈張詹丞子有二首

一拜龍顏見赫臨，繼開詹府更良箴。
執言博士議當取，端本後朝緣自今。
千慮徒懷愚者料，片芹難盡野人心。
倘蒙銀字沾恩去，未礙東山擁鼻吟。

中護名香鶴禁深，津津芝宇見雄襟。
兩坊春色烟花地，一片丹誠羽翼心。
夜褻不容侵翠綸，布衣仍藉盍華簪。
五雲長近前星潤，正要乘時作傅霖。

贈史中丞并王高二侍郎

天吹驚翻白錦鷹
搶揚還復藉飛騰
嚴城鐘鼓殘更月
客舍風霜半夜燈
老境幾何心未已
清時有味愧無能
一麾倘便公私去
大事生平幸不勝

贈趙禹卿

燕市分攜又六年
眼中雙鬢兩皤然
橐金周急為真樂
畎畝思君類昔賢
韋曲去天纔五尺
田文食客尚三千
相看一笑風神在
不似長鯨吸百川

壽楊奉御五郎

黑頭宜揆侍中貂華岳秋高見隼標滿眼風雲承眷顧
四科言語獨超遙時陪采鳳巢阿閣又領春暉上柳條
端尹後朝斯任重祝君眉壽等松喬

贈楊吏部子裕

載覲清揚又六年充庭儀鳳更翩翩事條不獨山公啓
風鑑能知漢相賢黃散許除伸素志銓衡停久正吾權
春風密鎖天官署常訝唐人緩所先

劉禮部歸國詩卷

朱邸同文易舊傳使華光動海西壘十年都護清如水
百險歸來雪滿船壯節氣凌殷侑序悲吟忠到子卿璫
錦窠未是春風地會見吹噓侍日邊

贈崔中丞

秀拔冰天一氣晶幾年宮閣作先聲閉門著論驚崔實
審勢陳書似賈生鐵柱宛從貂珥出簡霜能肅栢臺清
堂堂正有文貞笏擊暴摧姦是小成

月波引清商六調其一寒光相射其二冷侵牛

斗其三靜聽龍吟其四遊魚躍浪其五風感成
紋其六深夜回舟雙溪相公首唱和韻者澹游
張緯文僧本菴趙虎嵒著苗君瑞之姪良弼求
詩於余勉為奉和以續五賢之右

露洗金波蕩碧空清商傳調自天風看來冷浸雲間斗
聽久幽吟水底龍孤棹泛溪回雪夜跳魚翻藻避蛟宮
一彈曾感神人暢何翅平公為斂容

謝平章聽山公見惠東陽佳醞大同枸杞

書院春風靜掩闌
洞庭春漲浪滄灣
雲腴釀自東陽酎
仙杞香來大若山
二物并遺沾雅貺
一樽端為駐衰顏
應慙潦倒登瀛客
尚覲哀憐賜珮環

秋澗集卷二十三